

Na osnovu Zaključka Predsjedništva Bosne i Hercegovine, broj: 01-50-1-449-42/24 od 21. februara 2024. godine, usvojenog na 11. redovnoj sjednici Predsjedništva, održanoj 21. februara 2024. godine Ministarstvo vanjskih poslova Bosne i Hercegovine

o b j a v l j u j e:

JAVNI POZIV

Za izbor kandidata za poziciju sudije u ime Bosne i Hercegovine u Europskom sudu za ljudska prava

Europski sud za ljudska prava je sudska institucija Vijeća Europe, osnovan 1959. godine, za zaštitu prava i sloboda, koje se garantuju Europskom konvencijom o ljudskim pravima iz 1950. godine.

Sud je postao stalna institucija zaštite ljudskih prava u Europi 1. novembra 1998. godine, kada je stupio na snagu Protokol 11. Europske konvencije o ljudskim pravima.

Pozivaju se zainteresovani kandidati da se prijave za nominaciju za poziciju sudije u ime Bosne i Hercegovine u Europskom sudu za ljudska prava sa sjedištem u Strasbourgu.

Sudije u Europskom sudu za ljudska prava imenuju se na mandat od devet godina, bez mogućnosti obnavljanja mandata.

Podnosilac prijave treba ispunjavati sljedeće uslove:

- Da je državljanin Bosne i Hercegovine;
- Da ima visoko stručno obrazovanje –završen Pravni fakultet sa zvanjem diplomirani pravnik/diplomirana pravica prema predbolonjskom sistemu studiranja odnosno bacalaureat prava sa ostvarenih najmanje 240 ECTS bodova u toku studija;
- Kandidat mora imati visoki moralni ugled i mora posjedovati ili kvalifikacije potrebne za obavljanje visokih sudskih funkcija ili biti osoba priznate stručnosti u oblasti domaćeg ili međunarodnog prava;
- Da posjeduje radno iskustvo u oblasti zaštite ljudskih prava i osnovnih sloboda, razvoja demokratije i vladavine prava;
- Kandidat mora aktivno poznavati jedan od službenih jezika Vijeća Europe i posjedovati pasivno poznavanje drugog službenog jezika (engleski i francuski);
- Da na dan 12. august 2024. godine nema više od 65 godina starosti;
- Da ne obavlja rukovodeću dužnost u organima Bosne i Hercegovine;
- Da se ne vodi krivični postupak protiv tog lica;
- Da se na kandidata ne odnosi član IX 1 Ustava Bosne i Hercegovine.

Uz prijavu je potrebno priložiti sljedeće dokumente (ovjerene kopije):

- Biografiju na jednom od službenih jezika BiH;
- Biografiju na službenim jezicima Vijeća Europe (engleski i francuski);
- Ovjerenu fotokopiju Univerzitetske diplome odnosno nostrifikovane diplome, ukoliko je fakultet završen izvan BiH, nakon 1992. godine, a za kandidate koji su studij završili prema Bolonjskom načinu studiranja obavezno je dostaviti i Dodatak diplome; iznimno, samo u slučaju da visokoškolska ustanova dodatak diploma nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome dostavi uvjerenje visokoškolske ustanove da dodatak diploma nije uopšte izdat, niti za jednog diplomca;
- Dokaz o radnom iskustvu u navedenim oblastima;
- Uvjerenje o aktivnom znanju engleskog ili francuskog jezika;
- Uvjerenje o aktivnom ili pasivnom znanju drugog jezika;
- Uvjerenje o državljanstvu, ne starije od šest mjeseci;
- Uvjerenje o nevođenju krivičnog postupka, ne starije od šest mjeseci.

Obrazac CV (biografije) na engleskom, francuskom i na jednom od službenih jezika Bosne i Hercegovine može se preuzeti na web stranici Ministarstva vanjskih poslova Bosne i Hercegovine: www.mvp.gov.ba

Dostavljene prijave, sa kompletnom traženom dokumentacijom, biće proslijeđene Predsjedništvu Bosne i Hercegovine na dalje postupanje.

Predsjedništvo Bosne i Hercegovine, u skladu sa svojim ustavnim ovlaštenjima, vrši odabir kandidata iz Bosne i Hercegovine i predlaže tri kandidata za njihovu nominaciju za poziciju sudije u ime Bosne i Hercegovine u Europskom sudu za ljudska prava.

Konačnu odluku o imenovanju sudije u ime Bosne i Hercegovine u Europskom sudu za ljudska prava donosi Parlamentarna skupština Vijeća Europe.

Rok za podnošenje prijava je dvadeset dana od dana objavljivanja Javnog poziva.

Prijave, sa potrebnom dokumentacijom (u zatvorenoj koverti, s naznačenom adresom pošiljaoca) dostavljaju se neposredno ili putem pošte, preporučeno, na adresu: Ministarstvo vanjskih poslova Bosne i Hercegovine; ul. Musala 2; 71000 Sarajevo; s naznankom „Javni poziv – Europski sud za ljudska prava“.

Nepotpune i neblagovremene prijave neće biti uzete u razmatranje.